



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber Theologiæ Moralis, Viginti Qvatvor Societatis Iesv Doctoribvs Reseratvs

Escobar y Mendoza, Antonio de

Lvgdvni, 1659

Cap. I. De Matrimonij essentia, indissolubilitate, Ministro, solemnitate,
diuortio.

urn:nbn:de:hbz:466:1-41066

858 *Moralis Theologia Tract. VII. Sacramenta,*
& aliis opinor Sacramenta esse. Vnde elicio minores Ordines
in peccato mortali suscipere, mortale esse.

55. *Specialius assigna tempus, quo Ordines conferuntur?* Pri-
ma Tonsura, quæ ad Ordines est dispositio, potest quouis die
conferri. Minores Ordines diebus festis, & quarta Feria qua-
tuor Temporum, Episcopatus Dominica die; quia in ea Spi-
ritus sanctus in Apostolos descendit. At Maiores Sabbato
quatuor Temporum, & Paschæ, & mediæ Quadragesimæ da-
ri solent. Non quidem conferuntur post prandium, nec Ordo
sacer sine Missa. Ex Emanuele.



EXAMEN IX.

Circa materiam de Sacramento Ma-
trimonij.

CAPVT PRIMVM.

*De Matrimonij essentia, indissolubilitate, Ministro,
solemnitate, Dinortio.*

§. I.
Essentia
Matri-
monij.

1.



Vidnam est Matrimonium? Considerari potest
tripliciter. Vt officium naturæ ad liberos pro-
creandos: vt remedium concupiscentiæ, ad
seruandum in voluptatibus modum: vt nouæ
legis Sacramentum, ad onera Matrimonij diuina gratia sub-
leuanda. Profectò, vt naturæ est officium, definitur: Coniun-
ctio legitima maritalis viri ac fœminæ in vsum coniugij in-
diuiduam vitæ consuetudinem retinens. Vt verò Sacramen-
tum est, dicitur: Signum sacrum gratiam conferens, qua & re-
primere concupiscentiam, & fideliter cohabitare, ad prolem
educandam coniuges valeant.

2. *Quanam huius materia Sacramenti?* Remota quidem
contrahentium corpora sunt: proxima verò mutua corporum
traditio.

3. *Formam exprime.* Forma est mutua ipsorum corpo-
rum traditorum receptio, aut acceptatio iisdem expressa
signis.

4. *Minister quisnam?* Ministri quidem contrahentes ipsi
sunt; Parochus quippe principalis est testis. Hinc Matri-
monium

monium medio procuratore contractum validum est, si post Tridentinum coram Parocho & testibus fiat. Id quod de Matrimonio celebrato per litteras, si eadem adsit solemnitas, affirmo.

5. *An possit dissolui Matrimonium?* Indissolubilitas proprietas est Matrimonij, diuino iure positiuo Christi in lege Euangelica omnimoda, diuino autem naturali iure aliqua competens. Porro consummato coniugio insolubilitatem conuenire etiam ei, quod inter infideles celebratur, affirmo. Scio tamen dispensatione Christi Matrimonium antea initum, per alterius conuersionem ad fidem, utroque conuerso ante consummationem, separabile esse. Quod autem inter fideles consummatum est, omnino est insolubile. Tunc autem consummatum esse censetur, quando semen in vase naturali receptum sit, quacunque id ratione accidat.

§. 2.
Indisso-
lubili-
tas.

6. *Quid si vi copula extorta fuisse?* Consummatum reddit Matrimonium. At probabile iudico sponsam vi cognitam intra tempus bimestre ad Religionem se posse recipere.

7. *Retumne & non consummatum est insolubile?* Pontificis summi dispensatione solubile est, iusta obuiente causa; seu Professione Religionis alterius, aut vtriusque accidente.

8. *Reliquos Ministros Matrimonij assigna.* Parochum & duos testes adhibe, qui quidem debent adesse coniugio, etiam si in mortis articulo esset contrahendum, nec in eo Episcopus quacunque cogente necessitate valet dispensare, ubi fideles Tridentini legibus illigantur.

§. 3.
Ministrō
Matri-
monij.

9. *Parochi conditiones expende.* Debet esse alterutrius contrahentium siue in propria parochia, siue in aliena Diocesi, quo ad valorem. At de præcepto illius parochiæ debet esse Parochus, in qua Matrimonium celebratur. Non est necesse ut sit Sacerdos, nisi à Parocho esset assignatus; tunc enim haud potest assignare non Sacerdotem ex Congregationis Cardinalium declaratione. Præterea titulum coloratum habere debet, hoc est, à legitimo Superiore collatum, & eum communiter existimatum verum. Ordinarius Parochus dicitur is, quem ad audiendas Confessiones Episcopus deputauit.

10. *Num requiritur specialis licentia ad assistendum Matrimonio?* Satis est generalis exercendi ea, quæ ad curam pertinent animarum. Tacitam etiam ex rati habitatione de præsenti sufficere affirmo.

11. *An verba illa à Parocho prolata: Ego vos in Matrimonium*

monium

860 *Moralis Theologiae Tract. VII. Sacramenta,*
monium coniungo, &c. *Necessaria sint?* Ad valorem minimè,
ad obseruantiam præcepti aptè proferuntur.

12. *Sufficit ne quæcunque Parochi, ac testium præsentia?* Sufficit planè, etiamsi coacta sit, modò ad sit aduertentia, & rationis vsus.

13. *Idem ne de licentia Parochi affirmandum?* Profectò sufficit licentia quæcunque dolo, ac mendaciis impetrata. Imò & testes quoscunque modò sint præsentis satis esse affirmo.

§. 4.
Diuor-
dium.

14. *De diuortio quidnam?* Diuortium quidem legitima coniugis à coniuge est separatio, quoad totum, & habitationem.

15. *Diuortij causas indica.* Prima est alterutrius adulterium; sub quo quidem etiam aliis innaturalis concubitus infandus, in quo caro cum alio diuiditur, comprehenditur. Secunda hæresis, vel apostasia à fide. Tertia alterius coniugis sæuitia. 4. Inductio ad peccatum diuortij legitimi causa esse potest.

16. *An detur compensatio vlla?* Profectò, vnus coniugis adulterium alterius adulterio compensetur, vel condonetur, absque culpa adulterari contingat, diuortij ius admittitur. Cum autem compensatio fit altero adulterante, non refert alterum sapius deliquisse. Certè non habet locum huiusmodi compensatio, quando post diuortij sententiam innocens cedit in adulterium. Præterea condonatio fieri etiam potest, aut copula scienter habita ab innocente cum adultera, aut cohabitatione, & retentione in consortio maritali. Denique adulter ante sententiam suum crimen cum hæresi compensare non potest; post sententiam autem hæreticus non potest vti adulterio pro compensatione.

CAPVT II.

*De causa efficiente Matrimonij, id est,
de consensu.*

17. **P**otest ne sine mutuo consensu iniri Matrimonium? Tam necessarius quidem mutuus consensus, vt humana potestas aliquos Matrimonio iungere sine ipsorum consensu non possit.

18. *Quenam consensus huiusce materia?* Ius in corpora, ex quo